

Шариаьтрап ххуллу бугъияра!

ДАГЪУСТТАННАЛ МУФТИЙ, ШАЙХ АХИМАД-ХИАЖИ АФАДИНАЛ ИМАМТУРАЛ МАЖЛИСРАЙ БУВССА ВЯЪЗА

ХъхъичIва-хъхъичI на оьвтIий ура туйна ва зуйн цинявннайн мударн Аллагънайн ﷻ щукру буллай бикIан, жунма ва куццуй цачIун батIан, насихIатру буллан, жагъилтал хъинмуни тIайла буллан каша дуллусса. ПивтIуну Исламрая буслан ихтияр дакъасса чIунну ларгун хъунмасса хIал къавхъунни. Аллагънал ﷻ жунна мукуссса каша дуллуссагу жува ххуйсса, лайкъсса бунутIий бакъарча, –муниуну жулва хIал ххал баншиврулли. Жулва буттагъан танмихIру байссия чакру булларча, Къуръан букларча, жушаварив ччимур буллан хъанай бур. Дагъусттаннал бакIчиталгу бур жулва чIарав бацIан хIадурну. Кумаг бангу хIадурну бур жулла ниятру марцIсса духъурча. Муниуну буну, Аллагъу Тааьланал укунсса чIумуву лягъан баврихлу щукру буллан аьркинссар. Буллусса неъматиртгах щукру къабарча, ми махъунмай ласун бюхъайссар. Махъунмай лавсэсса неъматту чIявучин зана къабикIайссар.

Аьдатравун багъсса куццуй, бачияра ца «аль-ФатихIа» шанма «аль-Ихлас» ва «Салатуйль-ФатихIа» бувккуну, жулва шагъидтураха дуаь даннуча.

Цаппара махъру учин ччай бур хIакъинусса мажлисрал хIакъираву. Жу буссияв циняв хIажлив бивкIмий зана бивкIун, цанма цившпа бучIаннин ссавур дуллай, му мутталий бусурманнал цIусса шингу дуркIунни. Муниуну буну жу хIукму буварду хъиривмур хIаж байбишиннин батIаву дан, жува циняв гужгу цачIун буну, жуятува Аллагъ ﷻ рязи хъунсса куццуй зуншиврул. Циняв амаллу шариаьтрацIун бавкуну булларча, Аллагънал ﷻ Дагъусттан буруччинтIиссар личIи-личIисса бала-апатIиртгая. Инша-



Аллагъ, на муниуну хъул бивхъуну ура. Муниуну, жунма аьркинссар даврича аькьлу бушиву дурну, дахъва хIакъину бавбивхъусса кунма зун. Бур аьлмтал къурагъул шиннардий имамталну зузисса. Гай хъхъичIрасса шиннугу хъама диртун, кахригу дартIун зун аьркинссар, ца хIасил чIалансса куццуй. Масалларан, автомобилданул форсировать бувсса мотор бухъурча, 100-120 км/ч нанисса чIумал газ булурчагума, га хъит увкуну, тIанк кусса кунма ссур хъанан бикIайссар.

Жулвами мотордугу укунма форсировать бувсса бикIан аьркинссар. Газрай бивзун хъхъичIунмай бачин аьркинссар, жуьва цими къабувну. Циванни цими бан къааьркинсса? Жува ливтIукун, жулва чурх шатрал букантIиссар. Чурххай цими буллай шатрал букан ябуллан ссан аьркинссар? Аллагънал ﷻ дуллусса сант ишла дурну къахъиннив яла пашман къахъуншиврул? Му на ттухъвагу зухъгу тIиссара, ттулва ххирасса уссурваряхъ ва арсварахъ кунма.

Ва номерданий :



Лакку мазрайсса диск ва лу



Мавлуд – умматрал ххаришиву



Мизитрал адабру

Ласнал ва щарссанил буржру

Аллагъу Тааьланал арамуран неъмат камил бан дуниялдул маэшатрал сабабругу дазин, цаятувасса цалва жинссирайсса хъамигу лягъан бувссар. ХъхъичIра-хъхъичI Адамдул ﷻ къукъулинссирая ХIава лягъан буну, цанма щарнугу булду, яла минная махъмийгу лягъан буну, миннал дянив ччавугу нахIушивугу хъун дурссар кунначIа кув буруччин, цайми хIайвантру кумма низам дакъа къабивтун.

Мукун бухъувкун гъарца ласнай ялувссар цалла хъаралун щарсса дуркIукун, хъхъичIва-хъхъичI му ядан, дуруччин, муниуну дуканмур, лахханмур дуллуну, къатта буллу. ХIатта, муниуну учирча цинмалусса къатта була, даву къаданна, дукра къашахъанна, куну, шариаьтрап ххуллий муниуну цинмалу дикIансса къатта, шархъун дукра, дурурххуну янна дулун

ялувссар. Цурда рязину духъурча дакъа ласнал хъатлуву дабу дангу ялув дакъассар. ХъхъичIава мукун ласнаяту личIийнугу бикIайва тIар хъами. Амма, ва заманнул аьдатрив –цачIугу канай, даву дуллаву дур. Дуканмур, лахханмур дакъа, щарса ядан хъанай акъахурчан ца рутан аьркинссар. Къадутлай ухъурча муниуну цихъра ихтияр дуссар имамначIан бувкIуну, никяхI фасху даву тIалав дан. Ути му щарсса утгисса аьдатрай кунна ласнащал хIала –ккалану духъурча дукавриву, лаххавриву хъинну исвагъишиву дурну, муниуну ччимур дукансса дуллай ччикун янна дуллай, цинна ччикун я дуллалавугу щалва къахъинссар. Хъиннура къуманугу къадитанссар. Цала тагъарданух урувгуну щаллуну я данссар. Мукува гъантлий цал, ягу нюжмардий цаллагу дикI зад ларсуну дукавугу лайкъссар.

Дукралул, ичIаллил давриву, дулавриву, иширттаву ихтияр дулавугу хъинссар щарссанихъхъун, пикри бусса, иш кIулсса духъурча. Мукун ихтияр дулурча, дакI хIалану, нахIуну дикIайссар. Муниуну мукун ихтияр дулукун ласнах къащувххунна мунал хъуслияту чIа тIинан садакъа бан бучIиссар, икрапшиву къадурну дулурча. Щарссанин дулайсса лаххиягу хIалалмуниуну дакъа дулун къабучIиссар. Цалла ххуйсса дуркуну муниуну оьккисса дулунгу къабучIиссар. Амма, цинна ччийкун, ччимур канай, ччимур лахлай, ччи-ччиних занай, ччиманашал ихтилатру, махссара –хъярчру, цимурцаннул хъхъури цихъхъунна дуллуну, ччимур буллай къадитанссар. Нигъ дулунссар. Мукун хъхъури цихъхъунна дуллуну итадакъирча хъами ччяни хъаврин шайссар. Чивимунил хъунмуниуну кIункIу байссар. Оьккишиврувун багъайссар.

Къуръан бувккуну ххув хъума

МухАммад Идавсил ﷺ хадисраву увкуну бур: «Зувату яла ххуйми Къуръан буккингу лавхъхуну цайминнангу лахъхъин баймири», – куну. Къуръандалу цинугу 114-ва сура буссар. Билал Абдулхаликовлул ми циняв дакнх лавхъхуну бур кира шиал дянив. 14-ра шинавсса Костек шяравасса оьрчI Аьрасатнал чулуха гьурту хъуссар Бахрейннаву хъусса дакнх Къуръан буккавил шаллагу дуняллул даражалийс-са конкурсраву. Конкурсраву цинугу 48-ра хIкуматраву хIафиз гьурту хъуну ур. Цалва чивисса оьрмулул мутталией Билал гьурту хъуну ур чIявусса конкурсиртаву. Бахрейннаву бяст-ччал най бивкIун бур



Билал АхИмад-хИажИ Афандинацал

мукъва гьантлий. Билаллул цавагу гьалатI къабувну, шалва конкурсрал мутталией цалла кIулшивурттуу ккаккан дурну,

цалчинму кIану бувгуну бур. КIилчинмур ва шамулчинмур кIантту бувгуну бур Саодь Аьрабустаннавасса ва Кувайтнавасса хIафизтурал. Аьрабнал аьлимтал бивкIун бур махIаттал хъуну аьраб акъасса оьрчIал ваксава ххуйну Аллагнал ﷻ лу буклай ккаккун.

Ватандалийн зана ивкIукун Билал хъуну авкунни Дагъустаннал Муфтийнацал. АхИмад-хИажИ Афандина увкунни: «Дагъустаннал мадрасарттаву дуклакисса хIафизтал гьурту шайссия Къуръан буккавил жура-журасса конкурсиртаву. Амма га шалвагу дуняллийх цIа ларгсса конкурсаву ххув шаву хъинну хъунмасса ишри. Тайксса аьрабнал дянив цалчинсса кIану бугъан хъинну захIматсар», – куну.



Билал Ас-салам кказитрал редакциялий

«Ислам» журналданул цIусса номер



Вай гьантрай бувккунни «Ислам» журналданул цIусса номер. Ва номер бур ляличIисса, хъхъичIавиннуха къалавхъхъусса. Шалва журнал бур хас бувну ца инсаннан. Му инсангу хъанахъиссар шайх Саид-Афанди аль-ЧиркIави ﷺ. Журналдану бавтIун бур устазнал личIиличIисса масаларттан хас дурсса макъалартту ва вязарду. Саид-афанди ﷺ кIулу къабивкIиминнан ва журнал бувккуну бувчIин хъунтIиссар устаз мийжаннугу хъунасса аьлимчув ивкIшиву.

Лакку мазрайсса диск ва лу

Декабрьданул 27-нний Дагъустаннал Теологиялул Институтрал залдану хъунни лакрал миллатран ххаришиву дансса мажлис. Шикку хъунни лакку мазрайсса «Чак байсса куц» тIисса дискрал ва «Фарз – Исламрал гъану» тIисса луттирал презентация. Диск ва лу хIадур бувну бур Теологиялул Институтраву дарс дихълахъсса ХIажиева Аьйшат МухАммадовнал ва «ТВ-МахIачкъала» телеканалданул редактор АхИмад-хИажИ Аьлишаев-



Аьйшат ХIажиева



лул. Дискраву ва луттивару бигъану, бувчIинну бувсун бур чаклин биссария, чак баврия, фаризамуния, суннатмуния, чак зия баймуния. Дискрайсса бувчIин баву дур шанна даражалийсса: чара бакъа кIулу бикIан аьркинмур, дянивумур ва камилмур.

Цири мавлуд?

Махъсса ппурттуву хъинну чIяву хъуну бур мавлуд дан къабучIиссар, дуллан къааьркинссар, муния цукунчIавсса хайр бакъассар, шариаьтраву муни далил бакъассар тIутIимий.

Мавлуд цири чирча, му хъанахъиссар Заннал ﷻ жучIана МухАммад Расулуллагъ ﷺ гъан авриясса ххаришиву даву, жува бусурманну, ХIабибуллагнал ﷻ умматну хъун баврихлу Аллагнайн ﷻ цукру баву.

Имам Бухаринал хIадисирттал луттираву бувсун бур, Абулягъаблун гьарца итни кьини гьаттавусса аьзав бигъа шайшиву, цанчирча, МухАммад ﷺ дуняллий увсса ххарисса хавар лавсун бувкIсса лагъ-хъамитайпа тархъан бивтунтIий. Аллагнал ﷻ Къуръанналуву нааьна дурну, «кару къакъаннав» увкусса, чапурну оьрму бувтсса, ахиратлувугу абадлий дуржагъраву икIантIиссар кусса Абулягъаблунгума Идавс ﷺ аврия ххари хъунутIий нюзмардий цал аьзав бигъа дайсса духъурча, мудар Аллагнайнгу ﷻ вихсса, Идавсгу ﷻ ххирасса, имандалией ва дуняллийгу лавгсса бусурманчувнал ахиратлувуса тагъар цукунсса дикIанссар?! ХIадисраву увкуну бур: Ца кьини МухАммад Идавс ﷻ нюзмар кьинилул хъуншивруа бусласисса чIумал увкуссар:

«Кьинирдава яла хъинмур – нюзмар кьинири, му кьини Адам ﷺ ляхъан увссар, ва му кьини мива уккангу увссар», – куну (СахИхI Муслим №2014, Абу Давуд, Тирмизи, Насаи). Адам ﷺ увсса кьини цува МухАммад Идавс ﷻ хъун дуллаи ухъурча, идавстурава яла ххирама, МухАммад ХIабибуллагъ ﷻ увсса кьинирив хъун дан къабучIисса?! Мавлудраву цири дусса: шагъадат дутаву, Къуръандалул аятру буккаву, Идавсил ﷺ оьрмулия бусаву, зикри баву, салават дутаву, дуаь даву, садакъа баву – вай цинярда хъанахъиссар чири хъунмасса эбадатруну.

Ца чIумал Идавс ﷻ мизитравун увххукун ганан ккаккиссар кIивайва инсантал: цавай Къуръан буклакисса, вайми Аллагъ ﷻ кIицI лаглагисса. Идавсил ﷻ увкуссар: «Вай кIивайвагу ххуймуний бур, амма Къуръан ккаллаккими хъинмири». Ва хIадисрайну жунма бувчIлай бур Аллагъ ﷻ кIицI лаган цацIун батIин ихтияр душиву. Бюхъай учин Идавсия ﷻ бусан ччарча шеърилийну къабувсун, укунма хавар кунма бусича, куну. Имам Бухаринал бувцусса хIадисраву увкуну бур: «Шеърирдаву хIикматшиву дуссар» – куну (Аль-Адабуль муфрад). Ва хIадисрайну бувчIлай бур шеърирду буккин бучIишиву, гай ххуймуния бусласисса бухъурча. Имам Шафийналгу увкуссар: «Шеъри гава бусалари – миннугу ххуймуния бусласимур ххуйссар, оьккимуния бусласимур оьккиссар». Ца-цавайннал учай: «Мавлудраву цичIав оьккисса бакъар, амма гикку шариаьтрайн бувну янна къалархсса хъами дучIай. Гикку арамант ва хъами хIала бувххун бикIай», – куну. Мукун хIала бувххун мавлуд дуллан аьркинссар тIий цаягу аьлимчув акъар. Мавлудрай бикIу, цамур кIанай бикIу арамант ва хъами хIала буххаву хIарамссар. Мавлудрайн бувкIсса инсантал бунагъ буллаи бухъурча, муний къадагъа дихълан циванни, даймур шариаьтрал ккаккан бувсса куцуй дучава! ХIажлив лавгминнан кIулссар, Къабалул лагма тIаваф дуллалисса чIумал ца-цавай хъами чара бакъа Къабалин ка лаян ччай цала янналухгу, бакIрая карци ларгун, загъир хъусса чIарардахгу къулагъас къадуллаи, арамантувах къувтIуну бачайшиву. Туну утти мукунсса хъами дурча куну, ХIажгу къабуллантIиссарив?

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Заурбек (Абдулла) ЯИКБАЕВ

Редактор

Иса ОМАРОВ

Канонический редактор

Курамухаммад МАГОМЕДОВ

Менеджер

Абдусабир АХМЕДОВ
Мухаммад ХИРИЯСУЛАЕВ
Руслан ШАХМАРДАНОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 3250 экз.

Сдано в печать 28 ноября 2012 г. в 19:00

Индекс 51388

Адрес редакции

367015, РД, г. Махачкала, ул. Аскерханова 13а.
Тел.: (8722) 51-85-22.

По вопросам подписки и доставки обращаться по телефонам:

по Республике Дагестан – 8-988-699-28-24
по г. Махачкале – (8722) 914-222.

E-mail: assalamlak@mail.ru;
www.assalam.ru

Шариатрал ххуллу бугъияра!

1 « Тгула давриягу учинна. На дахъа муфтийну зий айивхъусса чумал (1998-ку шинал август зурул 24-нний), даву цукун дачинавав тий пикридай усси-яв, цанчирча, тгун ххива ттуна цуцъав къакълусса ва навагу чявуминнан къакълусса. Га чумал шикку хъинну аькылу бусса агъали зий льякълунни. Гайннал тгун хъунмасса кумаг бувуна. Цинявппа аьлимтурахъ барчаллагъ учин ччай ура: зу хъинну ттул чарав бавцлуссару. На дакнихтуну зухъ барчаллагъ тий ура.

Шиккува учин, Дагъусттаннал бакчитурал, хъхъичиваминнал ва цанаминнал, бусурманнал ва бусурман бакъаминнал тгуха хурмат бай. Тгул хъунмасса хал хъуна циваннивав тий. Уттирив тгун бувчунни: мий Аллагънал ﷻ хурмат буллала бувссар. Мунихлугу Аллагънайн ﷻ шукру. Ялагу тгула даврил хакъираву. Ца-цавай бур на даврия укълакъиссар, тгун кланай цама икълантиссар тий. Зу мукунсса пикриду къабитияра. Муфтийнал къуллугъ ца бур, зурив чявусса буру. Муни-яту зул дяннив бувчлу-къабувчлурду хъун бюхъай, цанарив зу уссурвал кунма буру. Му уссушиву дуруччин аьркинссар, къуллугърал цаний ххавххуннир. Нарив, аьхламдуллилагъ, Аллагънал ﷻ дуллусса жан ва гуж уттигу 50 шинал ишла бан хладурну ура. Мунияту, жува цацлун хъуну зунну.

Чявуминнал учай Динналул Идаралува аьлимтал бакъассар, куну. Нарив Аллагънайн ﷻ шукру буллау ура, укунсса аьлимтал буллунутий. Аьхламдуллилагъ! Ялагу шукру буллау ура тгула дакниву аьлимтурачлансса ччаву дирхъунутий. Тгун аьлимтал, мутааьлимтал ххирар, валлагъи ххирар! На хъа буллау ура! Миннан къаччан биклан байхтту тгун хъинну къащи шай. Мукун къащи шайхха, ттувура гъарзад клура дарсса кун аьклар. Ми ххиранутий навагу миннан ххирархъунссара тий умудрай ура. Аллагънал ﷻ бюхъу буллуссаксса архал даву дачин данну. Хакъинусса мажлисту тивтлусса мажлисри, ччиманаща бюхъантиссар махъ бусан, цанма клумур лахъхъин бан, хъиривмур мажлисрайнин жуннасса дарсун хъуншиврул.

Тгула чулухагу цаппара масалартту гъаз бан ччай ура, зул къулагъас гай иширттай салкъи даншиврл.

1. Исламрал динналул ттарц – закят буккаври. Циняв бур хлаж бан, мунийнсса хладуршиннараву гуртту хъун хларачат буллау. Закятралсса буллау ур так ца Мухаммадрасул Саабдуев. Жу цимилвагу му масала гъаз бувссия, мунилсса баву муфтийнал хъиривчу Мангуев Мухаммадлул ялув бишин хлукмугу барду. Закятрал хлакъираву жува хъинну махъун багъну буру.

2. Чаклил чуннахагу къулагъас дан ччай бур. Цана учай ччимур информация компютерданува клул дан шайссар, куну. Компютер зия хъурча цери бантисса? Чаклил чунну клул даву, бургъийну хлиса даву ялув бивхъуссар Мухаммад Мухаммадовлул (Къахлибиясса) ва Мангуев Мухаммадлул. Му хъинну агъамсса ишри.

3. Мизитирттал имамтурал къулагъас дан ччива Исламравусса амрулийн: «хъинмунийн тлайла баву ва оьмуния байщун баву». («Амру биль мяруф ва нагъо аьнил мункар»). Му амру биттур бувманан хъунмасса чири буссар. Зунмагу клулхъунссар, на дакнин къабутарчагу, зу мизитирттаву цимивагу

вягъа бувхъунссар. Му амру бавривун ци буххайссарив, мунил адабру, шурутлу клулну диклан аьркинссар.

4. Жамьитирттаву бур хлакъинусса къинигу чак тлайлану къабуллалисса агъали. Чара бакъа клулну биклан аьркинмур ххуйну лахъхъин аьркинссар. Хъхъичива мукунсса чара бакъа школардайн «ликбез» учайссия. Цана динналул «ликбезу» буссар Тлох, Батлук ва Кокрек шархъаву тивтлуну. Гъарца имамнан аьркинссар мукунсса школа зузи бан. Шинай цал бунуту, клулсса инсанначан лавгун махраж ххал дан аьркинссар. Масала, жулва машина бухурча, жува га зия хъуннин къабавцлуну, члун-члумуй техстанциялий бавкъуну цф тагъар дурив ххал дувару. Зунгу аьркинссар зула къираат ххал дуллан, хаснува имамталну узиминнан.

5. Махъсса шпурттуву хъинну модалуван бувххун бур бувчлай хъанничан лагаву, хаснува му бунагъ ишла хъуну бур авадансса агъалиначла. Имамтуран аьркинссар муниясса вьгъарду чяву бан.

6. Мукунма имамтуран аьркинссар мизитирттал марцшиврул санитарный тагъарданул ялув бацлан. Жува цинявнинн аьратну биклан аьркинссару.

7. Ца уттигу агъамсса масала хъанай бур – мизитру цараша, пожар шаврия буруччин баву. Чявусса, тарихраву цла ларгсса мизитру ччувчуссар пикрибакъашиврул цаний. Мунил сававну имам хусса чумал хъиннува къатлааьнну биклай.

8. Ца-царай шяраваллаву арамтурал шар дуцай 30-40 шинаву, тлалавшиннарду хъунисса дунутий. Мукунмасса иш жун ккавккуна 1993-ку шинал Сириянаву дуклакисса чумал. Жул зувира шинавусса муаьлим ия му оьрмулуву кулпат къабувну, тайннал адатирттайн бувну, хъатли бан чярусса арцу аьркин хъанай дунутий. Му агъамсса масалалуху къулагъас дан аьркинссар.

9. Бивклу бучаврил ялувгу учин ччива. Жула агъалинал миккуту хъиннура чярусса арцу харж дай. Шин ва дачиннул хъхъичи Кокрек шяраву му иширал ялув бавцлуну низам дирхъуссар. Чиркейливу му иш тлайла бацлан бан бювхъунни, зуцагу миннахъ цлуххаву дан хъунтиссар.

10. Имамтуран, аьлимтурал ялув бацлан аьркинссар цала дуки-хлациялул. Ца инсаннал ттухъ шикаят бувна, жула аьлимтурах, мутааьлимтурах урувгний оьккисса бакъашиву чалай бур, амма-рив личисса барачат чалай бакъар, куну. Мунир махъ тгун телевизорданувух ккавккуна цирив ца банкрал мадрасалун кумаг буллау. Микку тгун бувчлуну барачат бакъашиврул савав ци дуссарив. Рибалул (процент ласаву) арцу дуклаки бувсса мутааьлимтурау барачат къабиклантиссар. Мунил хъиривгу бавцлуну ччива.

11. Хлакъину жула школардай динналул дарсру дихълан ихтир дуллуну дур, амма жула бакъасса мазгъабрал луттирду ишла буллау. Му масалалул ялувгу бацларча хъина.

12. Цанасса заманнай хъуна бакъай цаппара инсантал, бигъанма щийн бунугу чапурчув учайсса (такфир байсса). Ца чумал мукунминнал ца имамнагума тлалав бувссар ина динналува увкссара, тавбу дува, куну. Агъалинан бувчлун бан аьркинссар ци чумал бучиссарив инсаннайн чапурчув учин, мунафикъ, мушрик щийн учайсарив.

13. Хъанниягу ца-квива махъ къаучин къахъунссар. Цанасса чумал чярусса хъами дур машинаду бачин буллалаи

хъуну, бачин къабайсса амма буллан ччиссагу бур. Каши думанал цала шарсанин машина ласлай ур – му ххуйсса иш бакъар. Шарсса диклан аьркинссар машиналува ласнал чарав ягу махъ шядирклун. Хъамитайпа рульданух шядитаврий на къарязира.

14. Бур ца ттигу масала шяраваллал имамтурайн багъайсса. Ххал барча, шяравусса душру цала хъатли бан хъхъичи къини шагърулийн бучлайсса бур баклажин дакъин дан. Му суткалул мутгалий миннул цавагу чакгу къабайсса бур, чаклин бивссуну макияж зия къахъуншиврул. Миннаща шанан утту бишинвагу къашайсса бур – прическа зия къахъуншиврул столданух шядивклун шанан биклайсса бур. Му ссанчлав аьркинсса зад бакъар.

15. Ца уттигу масала бур хъаннил лаххи-лул бавхлусса. Махлачкъалаливсса мизитирттаву нюжмар-чак байссар 50-азаруннийн бивсса арамтурал. Миннал гъарцаннал шаппа бур шарсса, душ, ссу. Тлалав буварача гайнниягу шариаьтрайн бувну янна лаххаву.

16. Ялагу, тгунма къаккавкссар, амма буллан биклай хъаннил цала мурччаву цирив даркъуну, гай утта дайсса дур. Мукун байминнал шикри бан аьркинссар ми затирттал онкологиялул цуцъавуртту ялул личин дан бюхъайшиву. Му ишираху хъуннасса къулагъас дан аьркинни.

17. Жулва роддомирттаву хъамитайпалул оьрчи бувкун, хъхъичисса шанма-мукъва гъантлий га оьрчи нитли накл хлачан къабитайсса бур. Му чумал нитли накливу диклайссар оьрчан чара бакъа аьркинсса члув (молозиво). Ялагу роддомирттаву цаннил оьрчи ваму-нихъхъун ккуку булун булайсса ишругу биклайсса бур. Ми оьрчуру хъарбаклсса уссурвал, ссурвал шайссар. Мунихгу къулагъас дуллан аьркинссар.

18. Жува ччянивагу буссияв душру бацаврил, лихъан баврил масалалия ихтилат буллау. Мугу агъамсса, ялув бацлан аьркинсса даври.

19. Имамтал ва мадрасарттал муаьлимтал шайссаксса чанну хлажлив занарча хъина. Масалларан, вана Хасавюртулал имамнал хлукму бувунни Хлажлив къалавгун, цамур чумал оьмра (чивимур Хлаж) бан гъан. Муниву буссар квива мюнпат. Цалчин – ттинин цалагу Хлаж къабувманан клану хъанахъиссар. Килчин – Къурбан-байранналул къини имам цала жамьятрала икълантиссар. Ам-марив имамтал Хлажлив наниминнал группалул бакчину ягу кумагчину гъан уллау ухъурча, му личисса ишри.

20. Аьлимтурал хлакъиравугу учин ччива: жулва ца бала бур – куннал кунаха хлурмат бакъашиву. Мунийну жува иблис рязи буллалиссар, цанчирча, иблислул жулва аьлимтуран хлусудшиврул дарваг буллуссар. Бачияра иблислул бархл гъагъан баннуча, аьлимчув цукунсса ухъурчагу, ттул уссури учиннуча. Му Исламраву хъинну агъамсса задри. Куннал куннаха хлурмат буллан аьркинссар. Хъунзахълив ивкссар хъинну сий-хлурмат бусса Ахъбердил Мухаммад тисса адимина. Шала шарчил мунаха хлурмат байсса бивкссар. Виха муксса хлурмат циван бай, куну мунахъ цлувххукун, Мухаммадлул увкуссар: Цалчин тгуха хлурмат байва шарсанил, ганих бурувгун – члаххуврал, гайннах бурувгун – шяравуминнал.

21. Парикъатрал ялувгу ца-квива махъ учин ччива. Имам Шаьрани хъа буллау ивкссар цала шайхнагу гъалгъа къабайшиву устаз къаххирасса цягу инсан

усса кланай.

22. Шикку гъаз бан ччисса уттигу ца масала бур. Ца чумал Хасавюртливу хъатлул мавлуд дулайлисса кланай, цаннахъхъун махъ буллуну бур. Га айивхъуну ур буллау вагъабистгъура, гайннал цала ссуну шарну буцайссар, цайми оьккисса ишру байссар, тий. Ссан аьркинссар мукунсса хаварду буслан. Цу ивкссар ганахъ минная цлухлай? Халкъ бувкун бур хъатлуин, бигъалаган, ххаришиву дан, мавлудрах вичли дишин. Хантту хлачлай буллау бивксса хъатлив бара-чатсса мажлисирттайн клура баллай бур. Циванни хъатлуи мукунсса задру буслан. Бусухъ цлуххирчагу, вин цягу мукунсса вагъабист клуллив куну, ттул пикрилий ганал учинссар, ттуна къакълулли амма буслау бавссар, куну. Шариатрайн бувну гъарца мукъух жаваб дулун аьркинссар дунияллийгу ахиратлувугу. Мукунсса гъаваллава лавъсса хаварду мабусларди.

Парикъатравун уххан ччиманан ххуллу тивтлуну бур. Аьхламдуллилагъ! Ца чумал цувххуссар: циванни ттуккул вичлив лахъисса, кунуча, ххал барча, га Алжаннавун клунку буллау бивкун бурча, ганил увкуну бур: къачча тгун Алжан, миву цацру бакъар, ххит бакъар, къабачинна, куну. Мукун вичлаха бувгъуну клунку булларчагу, къабувхссар ттукку Алжаннавун. Ттуккун ххитри аьркинсса, марцсса кланайн му клунку мабулларди, цуппа къабитияра. Бюхъай инсаннал тарикъатрайн инкар бан, цукунни мунахъ зад бувчлун бантисса? Мурчул учирча баргъ бакъассар куну, мунащал бяст буллалима ахмакъ акъарив?

23. Гъарца нюжмар къини агъали буллау бур мизитирттаву, имамтурал буллалисса вьгъа-насихатирттах вичли дихълай бур. Ца нюжмар къинилия хъиривмунийн бианнин жува циксса бунагъу бувару: телевизорданух буруллай буру, шия-бунугу махъату гъалгъа тий буру, гъарца шагтирах бунагъ буллау буру. Бунагъу къабикланшиврул цери бан аьркинсса? Тавба дуллан аьркинссар. Гъарца имамнагу аьркинссар нюжмар къини жамьятрала архал кутлану, бувчлунсса мазрай тавба дуллан. Ялагу ттул миннат, зула динналул уссурвараха дуаь дуллалли! Цанчирча, Аллагънал ﷻ жула дуаь къамул къадарчагума, буссар малаиктал, дуаь дуллали-манаха дуаь дуллалисса. Малаиктурал дуаь Аллагънал ﷻ къамул дайссар. Мунияту куннан куннал дуаь дуллалли. Ва пуланнаха куну ца къаучирчагу, циняв аьлимтураха, имамтураха, куну дувара. Хаснува чявуну чла учияра Дагъусттаннай дъйви къахъуннав, куну. Республикалул къатлагу жуцава дъйви байбишин бан ччай буссар тун биклай. Му «къатлау» жунма чалай бакъар. Мунияту, мий бацлан бангу къахъунтиссар, так Аллагънайн ﷻ лабизлай дуаь дуллан личлай бур.

Шариатрал ххуллу бугъияра, му ххулуну бугъарча, циняр захматшивуртту дирда гъантиссар. Кредитру къаласларча, къатри дахлан къабагъантиссар, чявуссанан багъай цала хъус даххан, процент ялув бувну арцу ласлай бунутий. Ми процентру ссайн буккайссарив жунма клулли. Гъарца ша Шариатрайн бувну бизара.

На зун ссайну-бунугу къаччан биклан бувхъурча, на багъишла итияра, нагу зу багъишла буллау ура. Хлакъинусса къини цлусса оьрму байбишинну. Аллагънал ﷻ Дагъусттаннай дакъаву, барачат, цаши-ву дуруччиннав, иншаАллагу!

Мавлуд — умматрал ххаришиву

Инсан ва Дунияллийн ляхъан аврил мяъна хъанахъиссар инсанан цала Зал – Аллагъ ﷻ кӀул шаву. Аллагъ ﷻ кӀул ан къашайссар Мунал ххира увсса, халкъунначангу, жиндрачангу, малаиктурачангу Идавснун, миннан эбратну гъан увсса МухӀаммад Идавсия ﷺ кӀул къабувссаксса, му ххира къавхъус-саксса. МухӀаммад Идавс ﷺ кӀул аншиврулгу мунал оърмулия, мунал дуллай ивкӀмуния тӀайласса, марцӀсса кӀулшиву дикӀан аьркинссар. Муниятур МухӀаммад ИдавсичӀан ﷺ ччавугу дусса, мунал хӀурматгу, бусравгу бусса цинявпагу бусурман хӀарачат буллалисса чӀяруну мавлудру дуллан, миннுவух гьуртту хъанан.

Эбадатру цацӀун шаву

Мавлуд – Аллагънайнсса ﷻ эбадат цацӀуну дуван, МухӀаммад Идавсил ﷺ оърмулия кӀул бан, му уваврин ххаришиву дуван, мунал мюъжизатирттая, караматирттая, ххуйсса хасияತ್ರая кӀул бан, жулла динналау, Исламрая лахъхъин бусурман цацӀун бавтӀсса мажлис хъанахъиссар. МухӀаммад Идавсил ﷺ оърмулушчал бавхъусса, идавшиврушчал бавхъусса аьжайивсса, караматсса иширттая бусласаву, миннух вичӀи дишаву – му хъуннасса ххуйсса даву хъанахъиссар. МухӀаммад Идавсин ﷺ цанмагу ххирасса бивкӀссар мукунсса иширттаяту буслан. Мукунсса хаварду назмулийну ягу цамур куццуй чивчуну бусаврингу мавлуд учайссар.

АсхӀабтурал заманнай

МухӀаммад Идавсил ﷺ чӀумал мунал асхӀабтал мудан мунашчал бивкӀссар, мунаяту гьарзат миннан ххуйну кӀулнугу бивкӀссар. Мунияту, Идавсил ﷺ оърмулияту, мунал узданшивруяту бусласисса мажлисуру буллалавриву аьркиншинна къадиркӀссар. АсхӀабтурал хьивривсса чӀумувугу бусурмантал мудангу, гьарца кӀантгайгу мува куццуй МухӀаммад Идавсияту ﷺ куннал куннахъ буслай бивкӀссар ва мунал увкумунил, мунал хӀадисирттал хьивривгу най бивкӀссар. Мунияту, му чӀумалгу МухӀаммад Идавсил ﷺ оърмулияту бусласисса мажлисуру буллан аьркиншинна къадиркӀссар. Миннал чӀумал Идавсил ﷺ оърмулияту бусласаврин мавлуд къаувкун «сира» (Идавсил ﷺ оърмулия бусаву) учайсса бивкӀссар. ЧӀун лагӀагиссаксса халкъуннан Идавсугу ﷺ хъама итлан ивкӀлукун, га чӀумалсса салихӀсса аьлимтурал чӀун-чӀумуй мукунсса мажлисуру буллалаву ххуй чулий ккаккан буссар. Мунияту, МухӀаммад Идавсил ﷺ оърмулияту чивчусса хъунисса луттирду ми аьлимтурал кутӀа буну чивчуссар, мийннунгу мавлуд куну увкуссар.

Цана аьпалухъхъун лавгсса, Саудовская Аравиянаву яхъанай ивкӀсса, цӀа дурксса хъуннасса аьлимчу, шайх МухӀаммад бин Аьлавий чичлай ур: «Халкъуннай ххуймунийн оьвтӀисса, тӀайласса хулий мий цацӀун буллалисса, му ххуллийх бачаврин оьвтӀисса, мийннал динналунгу, дуньяллийсса оърмулунгу хайр бусса, бусурмантал цацӀун бавтӀусса цумур бунугу мажлис мавлуд хъанахъиссар. Цан чирча МухӀаммад Идавсил ﷺ хъьхъичӀ бивхъсса масала – халкъ оьмуния, оьккимуния байшун баву – му мажлисрай шаллу буллай буну тӀий».

Яла ххирами ва ххарими гъантри

МухӀаммад Идавс ﷺ увсса кьини шинавусса яла ххирамий гъантрава хъанахъиссар. Му цуппагу хъанахъиссар Рабиоль-авваль зурул 12-ммур гъантта. ХӀакъну, Идавс ﷺ уваврияту дакӀнихтуну ххарисса цумацаннангу бунагъру багъишла битайссар. Идавс ﷺ увсса гъанттагу, барзгу шалла шинава личӀий бунан аьркинссар мавлудру дуллай. Аммаки, бусурманнан МухӀаммад Идавс ﷺ мудангу дакӀний икӀан аьркинссар, мунияту, мавлудру шинай цал дакъа къадурну бюхъай-кун чӀяруну дуваву хъинссар. Мавлуд дуккаву хъинссар Аллагъу Тааьланал жунна ци-дунугу ххаришиву дуллусса чӀумал: хъатӀи буллалиний, оьрчӀ-душ бувсса чӀумал, цӀусса къатта бунвий, мивун бизлазиний, жура дуллалисса даврия ххуйсса хайр лавсуний, ХӀаж буну махъ, ва м. ц. мунийну Аллагънайн ﷻ шукру буллай. Цурда мавлуд дувавугу дикӀан аьркинссар ххуй чулийсса. Мавлудрайн батӀаву дикӀан аьркинссар Аллагъ ﷻ кӀицӀ лагансса мурадрайсса, МухӀаммад Идавс ﷺ дакӀнин утансса, му Дуньяллийн уккаврин ххаришинна дансса, мунал умматиннава жува бувсса Аллагънал ﷻ жуйвасса цимиллийн шукру бансса, Идавсийн ﷺ салават дутансса ва цаймигу ххуйсса эбадатру дувансса.

Мавлудрал хӀучча

Цанансса чӀумал бур бувккуну мавлудру дуклан къабучӀиссар, МухӀаммад Идавсил ﷺ чӀумал му къадайсса диркӀссар тӀисса халкъ. Цалчин цува увсса кьини сан дурсса, хъун дурсса инсан цува МухӀаммад Идавс ﷺ хъанахъиссар. МухӀаммад Идавсил ﷺ гьарца итни кьини зума дугъайсса диркӀссар. Идавсхъ ﷺ цӀувххусса чӀумал, циван дугъара куну, мунал увкуссар: «Ва на увсса кьинир» – куну. Агана Идавс ﷺ увсса кьини хъун дан къааьркинсса диркӀссания МухӀаммад Идавсил ﷺ му зума къадугъавантӀиссия. Идавсил ﷺ му зума гьарца итни кьини дугълай ивкӀунтӀий мунийну жунма бувчӀлай бур Идавс ﷺ дуньяллийн уккаврия ххаришиву дан жунмагу бучӀишиву.

Аьлимтурал махъру

Мавлуд дуваврияту МухӀаммад Идавсил ﷺ асхӀабтал бикӀу, Исламраву машгъурсса, цӀа дурксса, хъунисса аьлимтал бикӀу ялагу укун тӀий бур: МухӀаммад Идавсил ﷺ асхӀабгу, цалчинсса халифгу Абу Бакрдул ﷺ увкуну бур: «Ца диргъам бунугу харж буну мавлуд дурма ттушчал ахӀал Алжаннаву икӀантӀиссар», – куну. КӀилчинма халиф Оьмардул ﷺ увкуну бур: «Мавлуд бюхттул дурсса гьарцу-мацагу – Исламрал дин чантӀи учин дан кумаг буллалимари», – куну. Шамулчинма халиф Оьсманнул ﷺ увкуну бур: «Мавлуд дуван садакъалун ца диргъам буллума Бадрулий ва ХӀунайинналий гъазаватирттаву гьуртту хъуминнан ккаллийссар», – куну. МухӀаммад Идавсил ﷺ ссурахъуту, мукъийлчинма халифгу Аьлил ﷺ увкуну бур: «Мавлудгу бюхттул дурну, му дуван сабабнугу хъума ва дуньяллий дакӀниву Иман дакъа къагъантӀиссар», – куну. ХӀасануль-Басрийлул ﷺ увкуну бур: «УхӀуд зунтуксса муси ттучӀара диркӀссания, на мий циняв мавлуд дурну садакъалун дачӀинтӀиссия», – куну.



Джунайдуль-Багъдадийл ﷺ увкуну бур: «ДакӀнихтуну МухӀаммад Идавс ﷺ бюхттул увну, мавлудрайн увкӀсса инсан хӀакъсса муъминчу хъанахъиссар», – куну. Мягъруфуль-Курхийл ﷺ увкуну бур: «Дукрагу дурну, цалва динналул уссур-ваврайн мавлудрайн оьвккуну инсан Къиямасса Кьини идавстурашчал ахӀал изантӀиссар», – куну. Фахруддийн Ар-Разийл ﷺ увкуну бур: «Мавлуд дурккуну дукралий баракат къаливккун къабикӀайссар. Агана мукунсса дукралиятусса цахъис дукра цайми дукриялувх хӀала дуварча, мий дукриялияту дуркума бунагъирттаяту марцӀ шайссар. Агана шил-дунугу мавлуд дурккуну шин хӀачӀарча, му инсаннал дакӀ нурданул дуцӀайссар, чурхгу къашайшивурттаяту ва къулай акъашиннараяту марцӀ шайссар. Мавлуд дурккуну арцуятусса барачатту мий арцу хӀала хъусса цайми арцуин бияйссар» – куну. Мукъвагу мазгъабравасса мазгъабрал имам аш-Шафийнал ﷺ увкуну бур: «Дукрагу дурну, цалва динналул уссур-ваврайн шаппай мавлудрайн оьвккуну мина дикӀантӀиссар «Наэм» тӀисса Алжаннаву», – куну. Мукуна цӀа дурксса, хъуннасса аьлимчу Сарий Ас-Сакатийнал ﷺ увкуну бур: «Мавлудравух гьуртту хъунсса ниятрай шавату увкма Алжаннул багъирдаву шя икӀан ччиминнавухссар», – куну. «Джалалайни» тӀисса Къуръанналул тафсир чивчусса, мукунма 300-нний бивсса элмулул луттирду чивчусса, хъуннасса цӀа дурксса аьлимчу Имам Ас-Суьтийл ﷺ увкуну бур: «Мавлуд дуллалисса къатлул Аллагънал ﷻ цими ликкайссар. Му къатлул лагма малаиктал лагма лагайссар, му къатта нурданул буцӀайссар, мивусса цинявнайн Аллагънал ﷻ барачат ликкайссар. Джабраил, Мийкаил, Исрафил ва Изрияил малаиктал му къатлул залухъруннан Аллагънахъ ﷻ саламатшиву чӀа тӀун бикӀайссар», – куну. Вай асхӀабтурал, аьлимтурал мавлуд дувавриятусса махъру чивчуну бур «Неъматуль-Кубра лиль-аьвами фий ихӀтиляфи мавлуди саййидиль-анам» – тӀисса, Ибну ХӀаджар Аль-Гъайтаминал чивчусса луттираву. Ххал бан ччиманал му лу тӀивтуну ххал бан хъунтӀиссар. Жунма чӀалачӀисса куццуй, жулла динналуяту гьаризат кӀулсса, жулла дин куртӀну кӀулсса, цӀа дурксса, хъунисса аьлимтал щак бакъа мавлуд дуваву хъин чулий ккаклай бивкӀссар, цивпагу дуллайгу бивкӀссар.

Ччаву цӀакъ даву

Мавлуд дуваву хъин чулий ккаккан даврил савав ялагу хъанай дур: Аллагънал ﷻ жунма амру бувссар, МухӀаммад Идавсил ﷺ чулухуннайсса ччаву гьарза дан, му уваврин ххаришинна дан. Аллагънал ﷻ жуйнма амру буну бур Цалва ﷻ цимилуя ххаришинна дан. Идавс ﷺ тӀурча хъанай ур яла хъунмур Аллагънайтуса ﷻ цимину. Цан чирча, Аллагънал ﷻ Цалва увкуну буну тӀий МухӀаммад Идавс ﷺ шалвагу аьламран так цимилун гъан увссар куну. Идавсил ﷺ рязишинна дайсса диркӀссар цаятува шаертурал шеър-рирду чичлачаврия, назмулийну цува кӀицӀ лагаврия. Мавлуд – бусурман цацӀун бавтӀуну Идавс ﷺ уваврин ххаришинна даву, мунал ﷺ чулухуннайсса ччаву цӀакъ даву хъанахъиссар. ХӀадисраву увкуну бур: «Къиямасса Кьини инсан икӀантӀиссар цалла ччаву думанашчал» – куну. Мавлудрай чӀярусса Идавсинсса ﷻ салаватру дуккайссар. Аллагъу Тааьла Къуръанналуву тӀий ур Цаллагу, Цал малаиктуралгу Идавсияту ﷻ салават дугайссар тӀий, жуйнмагу амру буну бур мукунна МухӀаммад Идавсин ﷻ гьарзану салават дугайра куну. Салават дутлатисса инсаннайн Къиямасса Кьини Идавсил ﷻ шафааьту биянтӀиссар. Мавлуд макъанналушчал дуккаву, назмулийну МухӀаммад Идавсия ﷺ мунал оърмулия, идавшиву дучӀаврия бусаву – къакулминнангу мий затру кӀул баву, кӀулминнангу дакӀнин бутаву хъанахъиссар, мунийну Идавсил ﷻ чулухуннайсса ччаву цӀакъ хъун, Иман цӀакъ хъун. Хъиннува агъамсса кӀану буссар микку мюрцисса оьрчӀру МухӀаммад Идавсхъсса ﷻ ччавулий тарбия шаву, цан чирча мукун тяхъасса кӀанттай миннан дакӀний личӀлай буну тӀий Расулуллагънайсса хаварду. Исламраву хъинну хъунмасса кьимат буссар Аллагънайн ﷻ эбадат дуван, динналуяту лахъхъин, садакъа бунан бусурман цацӀун батӀаврин. Цан чирча, Идавсил ﷻ хӀадисраву буну тӀий: «Куннал ку ххари булуvara, куннал куннан пишкаш дулуvara», – куну. Ялагу бур Идавсил ﷻ увкуну: «Садакъа буллалисса инсаннаяту Дуржагъ 70-лла шинал арх шайссар», – куну. Цамур чичӀав бакъахъурчагу, му мавлудрай бусаксса хӀаллай халкъ бунагърая бурувчуну бикӀавугума жунма къагъассарив?

Тавба

Тавбари ттул Заллуй, на пашман хьура
Циняв нава бувсса бунагъирттая.
ДакI ччурччунни, Аллагъ, на хIасрат хьура,
Вийн кIура авссара оьмур къабивтун.

Ттуршвагу базулул бувмунияту
Пашман хьуссара на, астагъфируЛлагъ.
Янил, къацIлил, вичIал, каруннал, ччаннал,
Ягу аьвратирал, циняв базурдал.

Аьсив, фасикъ шайсса бунагъирттая
Вийн кIура авссара, ххирасса Аллагъ.
Гьибат-бугътан бикIу, зулму, гуж бикIу,
ХIусуд, ламмамшиву, шалмяхъ бусаву.

Зума-чакливусса ссуссукушиву,
Каши хьанай дуна тIааьт къадаву.
РухI дусса задирай рахIму къабаву,
ХIарамсса кIулнагу ца зад дукаву.

Гьарца бунагъ бумий эьки ливчуну,
Оьмур дувайнащал гьалмахчу къавхьун
Вийн кIура авссара,
Гьафуру-РрахIим.

Ттуйва ялув бувсса гьантлий ххюва чак
Хьирив лахъанна на ттуйва ливчIцири.

Рамазан зуруву ливчIсса зумарду,
Мийгу хьирив лахъан тти ттул нийятри.

Хьуслий ялув бувсса ххирасса закят,
Мугу тIайла банна, ливчIун бухьурча.
Бусурмантурал хIакъ чурххай бухьурча
ХIалалшиву лавсун рязий буванна.

КIура къааянна на тти бунагъирттайн,
Чак личIан къабанна бакI къукьирчагу.
Идавсил хьар бувмурхьинну бугъанна,
Карагъат битанна бюхъайсса куццуй.


КIура къааянна ва тавбалия
Яларай нани щин ларай нарчагу.
Диндалул хIукмурду бачин буванна
Турлих къукьларчагу циняв базурду.

ЩяйтIаннул хияллу эьки личинна,
Гьавалул хьиривгу на къаачинна.
Щалмяхъмур гьаризад хIакъну къариртун
ХIакъсса Динул-Ислам къамул дуванна.

Къамул дува, Аллагъ, на дурсса тавба,
Тавфикъ дула, Заллуй, эбадат дуван.
ТIайла ацIан ува тIайласса ххуллий,
Ризкьину була, Зал, хIуснуль-хатимат.



МархIаба



МархIабан я мархIабан я мархIабан
МархIабан, жаддаль-ХIусайни, мархIабан.
Я ХIабиби, я МухIаммад,
Винни даиман салам,
Яла агьлу-асхIабтурайн
Цанявнайн хьуннав салам.
Бургъи-зурул, чанна цIурттал
Нур вияту лавсьссари,
Щалва кавну, куллу махлукъ
Вил файзрал я бувссари.
Баргъгу ина, я МухIаммад,
Барзгу вил лажин дури,
Бургъи-зурул лаххиягу
Вил ххира халгъаьт дури.
Халкъуннаяр ххира сайид,
КIива Кьиблалул имам,
МахIшар кьинилул таржуман,
ХIазратирал цIикIури.
Вил лажиннарах урувгма
Арши буну шайссари,
Вищал субхIатшиву дурма
Мужтагъидну шайссари.
ТIаннул жижара вихъ буври,

Ттуруллул ххютгу вин дурди,
Хьхьилул, хьалчул кумаг буври,
Канихъ чIучIрал гьалгъа буври.
АьтIий хьхьичIун мурхьру бувкIри,
Вил хьхьичI миннул сужда буври,
Уруган къабацIай гьинта
Чарав бувкIун бавцIури.
Бунагъругу муках лавхьун
ХIисабрайн оьвку чIумал
Жул мурад тамам къабувна
КIура баян мабував.

МархIабан я мархIабан я мархIабан,
Жул ххирасса Расулуллагъ, мархIабан.
МархIабан, жаддаль-ХIусайни, мархIабан,
МархIабан, нураль-кавнайни, мархIабан.
МархIабан, рахIму я ХIабиб, мархIабан,
МархIабан, я МустIафа, я Муртаза.

Я Аллагъу, я Аллагъу,
Я Аллагъу, я Аллагъ,
Я Аллагъу, я Аллагъу,
Игъфирлана, я Аллагъ.

Дутияра салават!

Баргъ бувккун кьининияр
Хьхьурай дурксса нурданул
Кьайсар ханнал къаларду
Маккалив загьир хьури.
Увсса ссааьтираву
Ссавруннайн бакI гъаз дурди,
Хьирив суждагу буну
Аллагънахъ гьалгъа буври.
АлхIамдулиллагъ куну
Аллагънаха цIа дурди,
РахIимакаллагъ куну
Малаик хьхьичI авцIури.
Буван багъайсса куццуй
Мунаха кьуллугъ буну,
Акьингу увну шанийх
Кьабилатлул ивхьури.
Яруннайн пардав дагъну,
ДакIурдивун нигъ дурххун
Чаравсса инсантурал
Базу зурзу тIун бивкIри.
Машрикъ-магърибуллаву
Му ХIабиб уцара тIий

Чалай акъасса шахснал
ОьвтIисса ца чIу баври.
Цанявпагу халкъуннал
Ххирашиву кIул буну
Цалва куллатирачIан
Иян ара увкури.
Лухччи-ссавнил дянивсса
Цанявпагу халкъуннал
Икрам тахIийят буну
Му ХIабиб тIайла уври.
МархIабан, ХIабибуллагъ,
ХIакъсса Аллагънал Расул,
Я Акрамал-халкъи тIий
Кьадру-къиматту буври.
Мюьжизатру чIявума,
Аьламатру гьарзама,
Аьзимуль-хулкъи куну
Халикънал цахъ увкума.
Дин кIул дуван Аллагънал
Идавстал гьан бувувкун
Цанявналагу хьирив
Хатамну тIайла увма.

ХьхьичIа-хьхьичI ляхъан увма,
Махъа-махъ уккан увма,
Умматиннан бигъасса
Дин дуллуну гьан увма.
Загьирмий ва батинмий
ТIабааьгру ларайма,
Ххира увну Аллагънал
ХIабиб куну цIа дирзма.
Му ХIабибнал шафаьт
ТIалав буллаи бухьурча
Дутияра зу мунайн
Эшкъилийну салават.

Мавлая салли ва саллим
даиман абадан аьля
ХIабибика хайриль халкъи
куллигъими,
Ла илагъа илла лагъуль
маликуль хIакъуль мубин
Мухаммад расулуллагъ
садикъуль вягъдилъ амин.



Ласнал ва щарссанил буржру

1 « Щарссанил мютИйсса, мунил тИтИмур буллалисса ласнаву журрат къадикИайссар. Му чулийнгу къауккайссар. Цалла журрат души-вугу цахъра каши душивугу чIалачИи дан аьркинссар. Ласналли щарсса дугъайсса. Амма, гьарца даймуниву, дитаймуниву, ичIаллил, хъуслил, даврил иширттаву щарссанищал маслихIат каккаву, мунихь цIуххаву хъинссар. Мунил тИмурдив къабайссар. Нажагъри мунил тИмур хъинсса. Мунил тИмур къабувну цанна ччимур бавриву барачат хъунмассар. Хъаннил макру хъунмассар, аькьлу чанссар, нажагъгу хъинмунил кIункIу къаайссар. Миннал мукъуйн вих хъуну зад бан къабучИиссар.

Яла ялувссар ласнай щарссанил гьарца дунияллул, диндалул хIукмурду кIул бан. ХIалал-хIараммур, чаклилсса, зумалулсса, чак личИайсса чIумалсса, чурх шюшаврилсса, гьарца зад лахъхъин бан. Къабарча, бунагъралун агъайссар. Муниггу цанма къакIулмур мунахь цIуххин ялувссар. Цува къакIулну ухъурчагу кIулнахь цIувххуну мунил кIул бан ялувссар. Къабарча, Къиямасса къини цан кIул къабав куну, суал бантИиссар.

Яла ялувссар ласнай щарссанищал авкъуну, тIабиаьт дакъин дурну, няхIуну икIан, мунилмур тIабиаьт-аьмал оьшиврух къауругун, му дурччин. Хъаннил аькьлу чанссар, сси чIаруссар, къацI оьссар, махъ оьккиссар. Я нигъайну я мазрайну буруччин аьркинссар. ХIатта Расулюллагънал ﷺ хъаннигума мунащал лажимран бацIаву дуллай бивкIиссар. Муналгу буруччайва тIар. Щарссанил тIабиаьт дурурччуну, мунил оьккисса мукъуй ссавур дурсаксса АллагъначIа ﷻ даража хъунмассар.

ХIасил, щарсса цумур дунугу бавккусса къукъу линссирая ляхъан дурсса бавккусса къукъу линсси. Му тIайла бацIан булларча гъагъайссар. Мукунса щарссагу дарккусса задри. Дарккунна мюнпат ласурча дакъа, тIайла дацIан дуллай дан къахъунтIиссар. Ялагу ялувссар ласнай щарссанищал хъарч-махсара баву, канил бикIу, мазрал бикIу, га тирх учин дан, рязий дан. Мукун къадулларча, мунил тIабиаьт даккайссар, оь дикIайссар.

Булларча ччаву дагъайссар, ччан шайссар, тIайлану, няхIуну дикIайссар. ХIатта Расулюллагъума ﷺ Аьйшатлушчал ччалли лечлай, хъарч буллай икIайва тIар. Щарссанил къаччимишан дулларчагу, хъинну ччиссар хъарч-махсара. Амма хъиннува чIавусса, оьккисса, шариаьтрацIун къабавккусса махсартугу бавугу къалайкъссар. Бувагу къабуллай, дакI дургъуну икIавугу хъинмагу бакъассар, ичIува барачат къабикIайссар. Тахъяну, няхIуну икIавриву барачат хъунмассар.

Ласнай мютИи дакъа, мунал тИмур къабуллай щарсса ххарххун дарккунугу, цал няхIуну насихIат бусайссар. Къадакъил хъурча чанкъанну нигъ дулайссар, ягу шанучIа утту къаихълай ацIайссар тIайла дацIаннин. Ялагу мютИий къахъурча нигъайну рищайссар. Мукунна цийва ялувмур къабуллай, зума къадугълай духъурчагу ришлай буллалли дайссар. Лас ва щарнил цаннал тIабиаьт цаннал къаласлай, цаннан ца къаччай, няхIушиву дакъа, даин ххахлай, дуклай, къалмакъал загъир хъанан диркIукун имамнал ца адимана ласнал чулуха ца щарссанил чулуха кIия адимана дянив



утайссар, миннал иширттах уругун миннал дянив маслихIат бан. Мий кIиннавату яла бювкъу –багъана цума урив ххал увну, оьккири, аьйри куну вяъза-насихIатрайну маслихIат дурну, бюхъавай цачIун хъунмур байссар. Къабюхълай бухъурча, личИий шавриву маслихIатшиву духъурча, личИи байссар цанная ца цIа рутан дурну. Мий кIиннавату тIутИсса куццуй ми кIиягу лас ва щарнилгу къамул бан ялувссар. Къабуллай бухъурча гужрай имамнал бан байссар.

Ласнай кунмасса буржру щарссанил-гу буссар. Муни хъиннува ялувссар мий тIайла буккан. Аллагънал ﷻ хъхъичIсса фариза гьарца инсаннан тIайла буккан ялувсса кунма, ласур-ваврал хIукъукъу гьарца щарссанилгу тIайла буккан ялувссар. ХIатта ласнал хъхъичIсса бурж тIайла буккан, мунал мурад барт бивгъукун бакъа Аллагънал хъхъичIмур тIайла къабукканссар.

Къиямасса къини хъхъичIва-хъхъичI щарссанил суал бантИиссар чаклияту, яла ласнай мютИийшвруяту. ХIатта лас рязий акъа щарссанил суннат зума дугъан къабучИиссар.

Щарссанил ялувсса буржругу: хъхъичIва-хъхъичI му ласнан ччисса куццуй, мунан ччан бивкIтари мунахъхъун цилва чурх булун ялувссар. Му рязисса куццуй, мунащал хъарч-махсара бангу ялувссар. ХIатта, муни хъхъувай лас утту къаивхъуну, му шанай къаивкIун утту дишин, шанан къабучИиссар. Гьарца хъхъуну ласнал чIарах утту дишаван аьркинссар. Мунагу ччай дуна ххарххуну, хиянатшиву дурну, личИийну утту дирхъусса щарссанил къюрхилнин малаиктурал

нааьна дуллай бикIайссар. Оьсса азаврайгу хIакъ шайссар. Ласнан ччарча янна ххуйсса ларххун нягъу къанкъ дурну мунал ххуй дазанну чIюлу хъун аьркинссар. Хаснува къатIату увкIсса чIумал марцIну ххуйну дикIаван багъайссар.

Ласнал лажиннараин дарцIуну, мунах оьккисса калам къабайссар. Мунаяр чIулахъ къабайссар. Жуав нахIусса дуллайссар, мунал къаччимур цичIаввагу къабайссар. ХIатта, му рязий акъа бухкIуллул къатIув къадуккайссар. Дуккарча кIурадянцIа, ягу тавба данцIа муниха малаиктурал нааьна дуллай бикIайссар. Чара бакъа гъан багъарча изну бакъа араммтал бакъасса ххуллх гъайссар. Мунал къаччинах зума дакъан къабучИиссар. Щищал духъурчагу ихтилатру буллай, махсара-хъарчу ихтилатру буллай, махсара-хъарчу буллай, шуршурду буллай, ча дунугу араммтаву занан къабучИиссар. Хъаннива яла хъинмур – цурда араммтаву ххал къашаймурди, цинма араммталу ххал къашаймурди. Ласнал къатлува, му рязи къахъунсса чулухуннай зад дулун къабучИиссар. Дулурча чири ласнаха, бунагъ щарссаниха бикIайссар. Мунал къаттагу, хъусгу, цилва чурхгу бурувччуну дикIан ялувссар, ссавучIав мунал хIиянатшиву къадурну, хаснува му къатувсса чIумал. Цурда ххуйсса дура куну, хъус дусса дура куну, ляхъин бусса дура куну, пахру бувну, лас дакъасса ур куну къюкьин ан къабучИиссар. Ласнал гьарца иширай, ду-дакъашиврий ссавур дурну, мунал тIабиаьтгу дурурччуну, му рязийсса куццуй дикIан аьркинссар. Ласнал къатлуву лас рязийсса хIалалса касму даву суннатссар, цурдагу рязивну духъурча. Дан ялув дакъахъурчагу даймуницIун кумаг бувну, къатта бав-

хъуну, чирахъ лавхъун, дукасса дурну, щинал бувцIуну, чаклин иссун, щин дулуну, тIяс бивхъуну, чаклилувсса дуртун, янна дуруххуну, дакъин дурну, шюршюну хъинссар. ХIатта, ласнал янна шюршюну, лаххан дуллукун, щарссанил чирилун азарда хъиншиву чичайссар. Ласнал чурххай лаххансса чухъа дурсса щарссанил гъазават бувсса гъазинануксса чири буссар.

Мунил канихъ гъанагъи дурсса зукка, гъазийнал канихъсса ччалун лавхъхъуссар. Щарссанил гъазават – ласнал тIабиаьт дурурччуну, мунал зараллай ссавур давури. Аллагънал ﷻ цийва ялув бусса фаризарттугу дурусну тIайла буккайсса, оьккисса хIарамсса задраяту чурхгу бурурччусса, ласнай мютИийну, мунал амрулийгу дарцIусса тIабиаьтгу ххуйсса, марцIсса, салихIсса щарсса АллагъначIа ﷻ азара салихIсса адиминаяр хъинссар. Мукунса щарсса Алжаннаву хIурулэнтурал, му циятува рязийсса ласнал щарссанугу дикIантИиссар. ХIасил, гьарца чIумал жагъилний икIу хъунавхъуний икIу, сагъний икIу, къашавайний икIу ласнал хIурматрай дарцIуну, му рязий уллай дикIан ялувссар. Лас учIайхтту лувату дирзун, му щайкIан дацIаву ххуйссар. Хаснува сапардания зана хъуний хъхъичIун дуркун, мунах авурав куну, яхшихаж баву лайкъссар. Мунаха кунма, мунал нити-буттаха, мунал ччиманаха къуллугъ бавугу лайкъссар. Мунащалгу, мунал чIаххуращалгу нахIуну, хIалимну дикIаву ххуйссар. ХIатта инсантурал цаннал цаннай сужда бан ихтияр дуссания, хъхъичIва-хъхъичI щарссанихъ ласнай сужда бува куну амру бантИиссия.

«НасихIатуль-аьвам»

БучИссарив бувчІай щарссаничІан гъан га дин-чак дайсса духъурча?

БувчІай хъанничІан лагаву хІарамссар, МухІаммад Идавсил ﷺ увкуссар: «БувчІай хъанничІан лавгун ганил бувсмунийн вих хъусса инсаннал мукъџалва гъантлий бувсса чак къамул бакъассар», –куну.

БучИссарив лякълуву хъусса хъамитайпалун УЗИ бишин арс урив, душ буричІул баншиврул?

УЗИ бишаврин къадагъа дакъассар, так мунийну ниттин ягу лякълувусса оърчІан зарал хъанай бакъахъурча. УЗИ бишайсса духтургу хъамитайпа бикІан аьркинссар. УЗИ бишаву бувчІултрачІан лагавриха лахъхьин буллангу къааьркинссар, цанчирча, мунийну ялун бучІантІимур кІул къабуллалиссар.

БучИссарив Къуръандалийн бархІну аџан?

Ибну ХІажар Гъайтаминал «Фатаваль-ХІадисия» тІисса луттираву увкуну бур Къуръандалин бархІну аџаву ва ца оьзру бакъана Къуръан щяв бишаву къахъинссар, куну.

Бусурманчувнал бакІрай чара бакъа къяпа бикан аьркинссар тІугІаву тІайлассарив?

Бусурманчув бакІрай къяпа къабивхъуну заназаву бунагъ бакъар. Амма хъама битан къабучИссар къяпа бишаву Идавсил ﷺ суннат бушиву. ЧІявусса хІадисиртгаву бувсун бур МухІаммад Идавс ﷺ бакІрай къяпа бивхъуну ягу чалма дархІуну занай ивкІшиву. БакІрай къяпа бакъа чак бавугу къахъинссар, цанчирча, суннатру биттур къабувсса чаклихсса чири чансса бикІайнутІий.

БучИссарив мурчІисса ягу ца базу бакъасса инсаннан (инвалид) чакливу имамну аџан?

БучИссар.

Ттул щарнил шпу ур жиндри бакъассар, ми халкъуннал ляхъан бувсар тІий. Мукун учаву бунагъссарив?

Жиндри бушиву Къуръандалул аџваксса сурардаву тасттикъ бувну буссар. Къуръандалу буссар «Джин» тІисса сурагу. Мунин бувну, ми бакъассар учаврил инсан чапуршиврувун утан бюхъайссар. Къуръандалу чивчумунин вих акъама чапурчувну хІисав айссар.

Даврий зий харж ласлай ухъурча, закат циксса булун аьркинссар?

Харж ласлай зузисса инсаннай закат булаву ялув бакъассар.

Инсан цџкъсса иман дуса ушиву ссайну чІалан бикІайссар?

Цакъсса иман дуса инсан личІи ан шайссар мукъра лишандалийну. Агълу-сунналул аьлимтурал тІимур щак бакъа къамул баву; Эбадат марџІсса дакІнищал, ихласрай даву; Аллагънал ﷻ хъхъичІсса фаризартту биттур буллалаву; ХІараммуния архну, урувчуну икІлаву;

ТтучІан пенсия бачІин дуркІсса арцул пачкалуву 500 кьуруш ххишаласса дия. На ци бан аьркинссар?

Ина мий арцу махъуннай зана дан аьркинссар.

ХъхъичІ дагъани духъурча чак бан бучИссарив?

Цияв багъайсса рукнурду ва шартІру биттур дарча, дагъантул хъхъичІ бувсса чак хІисавссар, амма чакливу аьйкьин ан бюхъайсса зад хъхъичІ дусса кІанай чак баву къахъинссар.

БучИссарив бакІрайсса чІарарду ранг дурну лухІи дан?

Закария Аль-Ансарил «Асналь-МатІалиб» тІисса луттираву увкуну бур: «КІиз лухІи баву хІарамссар, Мунил хІуччанугу хъанахъиссар Идавсил ﷺ хІадис: «Къиямасса къини дучІансса замана гъан хъанан бивкІукун, буккантІиссар цавай халкъ цалва кІиз лухІи буллалисса. Миннан Алжаннул къанкърагу къаришунтІиссар».

БучИссарив кІия уссин ца къини хъатІи бан?

Каши духъурча бучИссар. Муниву цичІав оьккисса бакъассар.

Жула Идавсил ﷺ хъхъичІва-хъхъичІ бувсса мизит цумурди?

ХъхъичІва-хъхъичІ бувсса мизит хъанахъиссар Мадиналивсса Масжидуль-Къуба тІисса мизит.



Масжидуль-Къуба

Рузнама

Февраль

Къини	КІорххил чак	Баргъ букваву	Ахтгайн чак	Ахттакъун чак	МаркІачІан чак	ХъатІан чак
1	6:23	8:02	13:03	15:39	18:04	19:30
2	6:22	8:01	13:03	15:40	18:05	19:31
4	6:20	7:58	13:03	15:42	18:08	19:34
6	6:18	7:56	13:03	15:44	18:10	19:36
8	6:15	7:53	13:03	15:46	18:13	19:39
10	6:13	7:51	13:03	15:48	18:15	19:41
12	6:11	7:49	13:03	15:50	18:17	19:43
14	6:09	7:46	13:03	15:52	18:20	19:46
16	6:07	7:44	13:03	15:54	18:22	19:48
18	6:05	7:41	13:03	15:56	18:25	19:50
20	6:03	7:38	13:03	15:58	18:28	19:52
22	5:59	7:35	13:03	16:00	18:31	19:55
24	5:56	7:32	13:02	16:01	18:33	19:58
26	5:54	7:29	13:02	16:03	18:35	20:00
28	5:51	7:26	13:02	16:05	18:38	20:03

ХХИРАССА УССУРВАЛ ВА ССУРВАЛ! ДАЙДИРХЪУССАР 2013-КУ ШИНАЙНССА "АС-САЛАМ" ККАЗИТРАЛ ПОДПИСКА. ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА ГЪАРЦА РАЙОННАЙССА ЖУЛ ВАКИЛТУРАЙХЧИН. ЛАККУ МАЗРАЙССА ККАЗИТРАЛ ШИНАЙССА БАГЪА ХЪАНАХЪИССАР 270 КЪУРУШ, ОЪРУС МАЗРАЙССА ККАЗИТРАЛ – 583 КЪУРУШ. ККАЗИТ ЧИЧАВРИЛ ВА БИЯН БАВРИЛ ХІАКЪИРАВУ ОЪВЧИН БЮХЪАНТИССАР ВАЙ НОМЕРДАЙН: ЦІУССАЛАКРАЛ РАЙОНДАЛИЙ ВА НОВОСТРОЙРАЙ +7-988-307-04-03, ЛАККУЙ +7-988-771-59-70. АЛЛАГЪНАЛ КУМАГ БАННАВ!



ДУАЪ

КЪУВ-АЪС УВКУВКУН УЧА

سُبْحَانَ مَنْ يُسَبِّحُ الرَّعْدُ بِحَمْدِهِ وَالْمَلَائِكَةُ

مِنْ خَيْفَتِهِ

СубхІана ман юсаббихІу рраџду

бихІамдигъи валь малаикату мин

хифатигъи

ХІурмат бусса уссурвал ва ссурвал! Зунма цІуххин ччисса, Исламраџун, Шариаьтраџун, кулпатрал багъу-бизулуџун бавхІусса ва цаймигу суаллу гъан бан бюхъайссар SMS – райхчІин ва номерданийн: 8-928-580-37-89, ягу 51-85-22 номерданийн оьвкуну цІуххин. e-mail: assalamlak@mail.ru